

Alþingi
Erindi nr. Þ 130/1306
komudagur 10.3.2004

Nefndasvið Alþingis
Austurstræti 8-10
150 Reykjavík

Reykjavík, 9. mars 2004.

Umsögn laganefndar LMFÍ um frumvarp til laga um breyting á lögum um björgunarsveitir og björgunarsveitarmenn nr. 43/2003, 130. löggjafarþing 2003-2004, þskj. 786 – 514. mál.

Laganefnd LMFÍ hefur haft ofangreint frumvarp til athugunar. Að mati nefndarinnar er orðalagið "...í störfum sínum á vegum björgunarsveita" ekki mjög afmarkað og til þess fallið að valda ágreiningi síðar. Telur nefndin heppilegra að nota orðalagið "...við æfingar, björgun, leit og gæslu", enda eru síðar nefndu hugtökin skilgreind í 2. gr. laga nr. 43/2003 um björgunarsveitir og björgunarsveitarmenn. Að öðru leyti gerir laganefnd LMFÍ ekki athugasemdir við frumvarpið.

Virðingarfyllst,
f.h. laganefndar Lögmannafélags Íslands

Jóhannes Rúnar Jóhannsson, hrl., formaður



SAMBAND ÍSLENSKRA TRYGGINGAFÉLAGA

Association of Icelandic Insurance Companies

S/56

Alþingi
Erindi nr. Þ 130/1256
komudagur 8.3.2004

Alþingi,
allsherjarnefnd,
nefndasvið Alþingis,
Austurstræti 8-10,
150 Reykjavík.

Suðurlandsbraut 6
108 Reykjavík
Sími/Tel.: +354-568 1612
Bréfsími/Fax: +354-568 9664


5. mars 2004

Efni: **Lagafrumvarp til breytingar á lögum um björgunarsveitir og björgunarsveitarmenn, 514. mál.**

Með bréfi allsherjarnefndar Alþingis, dags. 18. f.m., var óskað umsagnar Sambands íslenskra tryggingafélaga (SÍT) um ofangreint þingmál. Af því tilefni skal eftirfarandi atriðum hreyft:

1. Tilgangurinn með lögum nr. 43/2003 um björgunarsveitir og björgunarsveitarmenn var einkum að mæla fyrir um hlutverk, réttindi og skyldur þessara aðila. Í 5. gr. er fjallað um ábyrgð björgunarsveita og björgunarsveitarmanna og vátryggingarskyldu í því sambandi. Án þess að slíkt hafi verið ætlunin er m.a. ábyrgð þessara aðila skv. ákvæðinu allt önnur og stórum víðtækari en almennt tíðkast. Af því leiðir að nánast ógerlegt sýnist að vátryggingarskyldan verði uppfyllt, en einnig verður það rakið til þess að ákvæðið er afar óskýrt að því er lýtur að vátryggingunum sjálfum. Þá skortir og reglugerðarheimild til að kveða nánar á um þessa vátryggingarskyldu. Ekki var leitað álits SÍT á máli þessu, þegar það var til umfjöllunar á Alþingi í fyrra.
2. Þegar þetta frumvarp til breytinga á lögum nr. 43/2003 var í undirbúningi í dómsmálaráðuneytinu gafst SÍT nokkur kostur á að taka þátt í því starfi. Er ástæða til að ætla, að efni frumvarpsins sé nú í samræmi við það, sem eðlilegt og sanngjarnt megi teljast gagnvart björgunarsveitum og björgunarsveitarmönnum, og líklega í takt við það sem ætlunin var, þegar lög nr. 43/2003 voru samþykkt á sínum tíma. Mælt er með því að frumvarpið verði samþykkt í þessari mynd.

Með vinsemd og virðingu
SAMBAND ÍSLENSKRA TRYGGINGAFÉLAGA


Sigmar Ármannsson

Alþingi
Erindi nr. Þ 130/1213
komudagur 33.2004



SLYSAVARNAFÉLAGIÐ
LANDSBJÖRG

Alþingi
bt: Aíherjarnefnd Alþingis
Kirkjustræti
150 Reykjavík


Reykjavík, 2. mars 2004

UMSÖGN UM FRUMVARP TIL LAGA UM BJÖRGUNARSVEITIR OG
BJÖRGUNARSVEITARMENN, 514.MÁL.

Slysavarnafélagið Landsbjörg hefur fengið til umsagnar breytingu á lögum um björgunarsveitir og björgunarsveitarmenn nr. 43 24 mars 2003.

Breyting sú sem lögð er til á lögum 43/2003 er til komin vegna vandamála sem komu upp hjá Slysavarnafélaginu Landsbjörg, við að reyna að fullnægja texta laganna og tryggja björgunarsveitarmenn. Eins og kemur fram athugasemdum við lagafrumvarpið voru ákvæði 5. gr laganna of víðtæk, til að mögulegt væri fyrir samtökin að kaupa tryggingu samkvæmt texta laganna. Því fagna samtökin fyrirbyggjandi breytingu, en leggja áherslu á að tryggt verði að Dómsmálaráðuneytið sjái til þess að ákvæði væntanlegrar reglugerðar, verði í takt við þann ramma sem tryggingar Slysavarnafélagsins Landsbjargar hafa verið í á undanförunum árum.

Með kveðju



Kristbjörn Óli Guðmundsson
Slysavarnafélagið Landsbjörg